



Senin, 27 Desember 2021
Ogen: Masmur 139: 23-24



Pepayolah Aku



Empat wari nari kita enggo ngujungi tahun 2021 enda. I bas paksa enda ibereken kesempatan man banta guna ngerenungken dengen nginget-ninget perdalinen kegeluhenta sada tahun enda. Mejile adi isurati pe pasu-pasu Tuhan (hal-hal yang kita syukuri terjadi dalam hidup kita). Asa bancina kentisik si putar instrument rohani sekitar 5 menit guna kita meresapi, ncatatisa.

..... 5 menit make musik instrumen.....

Luar biasa Tuhan! Terharu kita i bas kai si ibahan Dibata kerina si mehuli i bas kegeluhenta. Mawen si la bagi rencananta pe, tapi si jadi e dungna e kal nge si iperluken kita bas kegeluhenta. Akhirna si sedari labo kerina kai si ni suraken kita e si mehulina jadi bas kegeluhenta. Lit nge si terulin si enggo irencakan Dibata jadi bas kegeluhenta mabai kemalemen ate man banta.

Pemasmur eme Daud pe nggejapken maka kai si jadi bas kegeluhenna labo lepas arah campur tangan Tuhan. Kerina situasi bas kegeluhenna enda kerina bekas pengaturen Dibata. Janah atena pe Dibata mengevaluasi kegeluhenna. "Pepayolah aku o Dibata....entah mawen lepak si ku dalani.... Babai aku arah dalam si tetap seh rasa lalap" nina. Ia nggit nuriken kelemahen dirina gelah min Dibatalah si mabai dalanna bas dalam si pinter bagi si ngena ate Tuhan.

Uga kita Moria? Ibereken ka kesempatan man banta guna ngukuri dengen nginget-ninget hal-hal si la uli pernah si ukuri entah si dalanken. Siakuken alu melaskenca saja, labo perlu ituliskan.

.....5 menit alu musik instrument.....

I bas Penghujungna ninta: tetap babai aku arah dalam pinter Tuhan. Amin